



REPUBLIKA E SHQIPËRISË

MINISTRIA E PUNËVE TË BRENDSHME

RAPORTI GJASHTËMUJOR PËR PROCESIN E KONSULTIMIT PUBLIK, TË REALIZUAR NGA MINISTRIA E PUNËVE TË BRENDSHME, PËR PERIUDHËN JANAR-QERSHOR 2026

Shtojca 5a: Struktura e pjesës narrative të raportit (gjashtë-mujor) vjetor për konsultimet e kryera publike të ministrive dhe institucioneve qendrore, në varësi të Kryeministrit.

1. Përmbledhja ekzekutive (pasqyra e statistikave kryesore mbi konsultimet e kryera me mësimet e nxjerra, sfidat dhe mundësitë)

Ministria e Brendshme ka kryer procesin e konsultimit duke përmbushur detyrimin që buron nga ligji nr. 146/2014 “Për njoftimin dhe konsultimin publik”, duke konsultuar 1 (një) projektvendim, i cili është miratuar në vitin 2026 dhe ka qenë objekt i konsultimit publik.

Nga monitorimi i platformës së Regjistrimit Elektronik për Njoftimet dhe Konsultimet Publike (RENJK), është regjistruar një numër total prej 559 vizitorësh për aktin e konsultuar në këtë platformë, ndërkohë që konsultimi publik është realizuar edhe nëpërmjet tryezave të konsultimit publik, ku ka pasur një përmirësim të përfshirjes së aktorëve dhe grupeve të interesit, të cilët kanë dhënë kontributin e tyre.

Përzgjedhja e aktit është bërë në përputhje me ligjin nr. 146/2014 “Për njoftimin dhe konsultimin publik”. Në nenin 1, të ligjit nr.146/2014 “Për Njoftimin dhe Konsultimin Publik” përcaktohet shprehimisht se ky ligj rregullon procesin e konsultimit publik për projektligjet dhe projekt dokumentet strategjike kombëtare dhe vendore.

2. Analiza e konsultimeve të kryera

2.1. Numri i përgjithshëm i akteve për të cilat janë kryer konsultimet publike

Është kryer procesi i konsultimit publik për 1 (një) projekt vendim, si vijon:

1. Projektvendimi “Për miratimin e Strategjisë Kombëtare për Parandalimin dhe Luftën kundër Krimit të Organizuar dhe Krimeve të Rënda 2026-2030 dhe të Planit të Veprimit 2026-2028”.

2.1.1. Cili ishte numri i përgjithshëm i akteve të miratuara në një vit të caktuar?

Numri i përgjithshëm i akteve të Ministrisë së Punëve të Brendshme që i janë nënshtruar procesit të konsultimit publik dhe janë miratuar përgjatë 6 mujorit të parë të vitit 2026, është 1 (një) projektvendim.

2.1.2. Sa akte janë konsultuar dhe sa jo?

Në 6 mujorin e parë të vitit 2026 është miratuar 1 projektvendim, i cili është konsultuar në fund të vitit 2025.

Nuk ka akte të konsultuara gjatë periudhës së raportimit.

2.1.3. Sa ligje me raporte VNR-je janë konsultuar?

Për aktin e konsultuar nuk është përgatitur raport i vlerësimit të ndikimit rregullator.

2.1.4. Për sa akte në a) Programin Analitik, b) PKIE, c) dokumente strategjike të sektorit, janë përdorur kriteret/përjashtimet nga konsultimet publike? Cilat janë arsyet kryesore për të mos u konsultuar (nëse ka të tilla)?

Nga 23 projekt akte, të cilat janë në përputhje me PKIE, PPAP dhe dokumentet strategjike, për 14 projekt akte është përdorur kriteri/përjashtimi nga konsultimi publik, pasi aktet kanë pasur natyrë administrative individuale.

2.1.5. Cila ishte struktura e akteve të konsultuara (sa projektligje, VKM, udhëzime, etj.)?

Struktura e akteve që iu nënshtruan konsultimit publik dhe u miratuan këtë 6 mujor përkon me 1 (një) projektvendim.

2.1.6. A është përmirësuar situata në krahasim me vitin e kaluar (cilësoni)?

MPB ka vijuar të zbatojë standardet e transparencës dhe pjesëmarrjes publike në përputhje me legjislacionin në fuqi, duke garantuar zhvillimin e konsultimeve në mënyrë të hapur dhe gjithëpërfshirëse.

2.2. Metodatat e konsultimit

2.2.1. Cilat ishin metodatat më të përdorura të konsultimit? (Jepni numrin e konsultimeve të kryera për secilën metodë - regjistri elektronik, posta elektronike, faqe interneti, takime publike, komitete këshillimore, etj.)

Metodat e përdorura për konsultimin publik, të projektvendimit të miratuar gjatë 2026, ishin 3 (tre):

1. Konsultimi në faqen zyrtare të regjistrit elektronik për konsultimin dhe njoftimin (RENJK).
2. Konsultim gjatë hartimit të projekt aktit nëpërmjet grupit të punës dhe ekspertizës së ekspertëve të ndryshëm sipas fushave përkatëse, apo përfaqësues të organizatave ndërkombëtare të cilat asistojnë ministrinë (MPB);
3. Tryeza të konsultimit publik pas përgatitjes së aktit, me aktorët e targetuar si: organizata kombëtare po ndërkombëtare (të zhvilluara fizikisht apo online);

2.2.2. Cila metodë konsultimi gjeneroi numrin më të madh të komenteve?

Metoda përmes zhvillimit të tryezave/takimeve të konsultimit (kryesisht të zhvilluara online), ka rezultuar efikase. Megjithatë sjellim në vëmendje se edhe numri i vizitorëve që konsultojnë apo dërgojnë mendime përmes RENJK është rritur. Edhe metoda përmes emailit rezulton të jetë shumë e përdorur nga organizatat e shoqërisë civile të cilët zgjedhin që komentet e tyre t'i dërgojnë në adresën e koordinatorit të konsultimit publik apo personit tjetër të kontaktit, që është në të shumtën e herëve, specialisti përgjegjës për hartimin e projekt aktit.

2.2.3. A organizoi institucioni konsultime paraprake në fazat e hershme të hartimit? Nëse po, në sa raste?

Ministria e Punëve të Brendshme ka zhvilluar konsultime paraprake me teknikët apo ekspertët, njohës të mirë të fushës së aktit, gjatë fazës së hartimit të projekt vendimit “Për miratimin e Strategjisë Kombëtare për Parandalimin dhe Luftën kundër Krimit të Organizuar dhe Krimeve të Rënda 2026-2030 dhe të Planit të Veprimt 2026-2028”.

2.3. Kohëzgjatja e konsultimeve

2.3.1. Sa konsultime ishin të hapura për 20 ditë pune siç kërkohet nga ligji? Cila ishte periudha më e gjatë apo më e shkurtër e kohëzgjatjes së konsultimeve?

Për aktin që i është nënshtruar procesit të konsultimit publik, është kryer publikimi në RENJK, duke respektuar afatin ligjor prej minimumi 20 ditë pune.

2.3.2. Cila ishte kohëzgjatja mesatare e konsultimit?

Konsultimi publik në Regjistrin Elektronik për Njoftimet dhe Konsultimet Publike (RENJK) është realizuar në përputhje me ligjin nr. 146/2014 “Për Njoftimin dhe Konsultimin Publik”, përkatësisht me nenin 15 të tij. Konsultimi pati një kohëzgjatje prej 20 ditësh pune duke filluar nga data e publikimit.

2.3.3. A është përmirësuar situata në krahasim me vitet e kaluara?

Situata është përmirësuar në kuadër të marrjes së kontributit dhe komenteve nga grupet e interesit, kjo sepse ka pasur një angazhim të madh të rolit të koordinatorit të procesit të konsultimit publik për Ministrinë e Punëve të Brendshme, me bashkëpunimin më efektiv dhe me strukturat teknike hartuese të akteve, të cilat kanë pasur më të lehtë identifikimin e grupeve të interesit të përfshira në dhënien e kontributit të tyre, edhe si rezultat i trajnimeve të zhvilluara.

2.4. Palët e interesuara të përfshira

2.4.1 Sa aktorë të jashtëm, jo-qeveritarë morën pjesë për hartimin e akteve si anëtarë të caktuar të grupeve të punës/organeve këshillimore në vitin e caktuar?

Për projektvendimin “Për miratimin e Strategjisë Kombëtare për Parandalimin dhe Luftën kundër Krimit të Organizuar dhe Krimeve të Rënda 2026-2030 dhe të Planit të Veprimit 2026-2028”, numri i aktorëve të jashtëm, jo qeveritar, ka qenë 2 (dy), përkatësisht: “Partnerët Shqipëri për Ndryshim dhe Zhvillim” dhe “Qendra për Studimin e Demokracisë dhe Qeverisjes”.

2.4.2 Cila ishte struktura e anëtarëve të jashtëm të grupeve të punës (ekspertë individualë, OSHC, kompani, etj.)

Për konsultimin e projektvendimit, janë angazhuar:

- ekspertë individual;
- përfaqësues nga organizatat ndërkombëtare në Republikën e Shqipërisë.

2.4.3 Sa palë të interesuara morën pjesë/dhanë komente në konsultimet e hapura të realizuara për projekt-aktet në vitin e caktuar?

Numri i pjesëmarrësve në procesin e konsultimit ishte 31, ndërsa 2 prej tyre kanë kontribuar me dhënie komentesh dhe sugjerimesh.

2.4.4 Cila ishte struktura e kontribuuesve në konsultimet publike, sa persona, sa persona juridikë (ndërmarrje, shoqata, etj.)?

Struktura e kontribuuesve krahas atyre institucionalë (anëtarë të grupeve të punës) ishin edhe organizma kombëtar/ndërkombëtare si:

- GIZ;
- ICITAP;
- OSCE;
- UNDP;
- EU4LEA;
- Forensic for Albania.
- 29 aktorë (OJF, akademikë, ekspertë të pavarur, etj) pjesë e platformës së partneritetit ndërinstitutional.

2.4.5 A është përmirësuar situata në krahasim me vitet e kaluara?

Vlerësojmë se, krahasuar me vitet e mëparshme, niveli i pjesëmarrjes në proceset e konsultimit është përmirësuar. Kjo evidentohet në rritja e numrit të pjesëmarrësve në tryezat e konsultimit si dhe në numrin e komenteve të dhëna.

2.5. Rekomandimet dhe komentet e marra

2.5.1. Sa është numri i rekomandimeve dhe komenteve të marra gjithsej dhe mesatarja për çdo konsultim?

Nga konsultimi përmes Regjistrisë Elektronike për Njoftimet dhe Konsultimet, nuk ka pasur komente. Komentet jepen kryesisht përmes takimeve (fizike dhe online) me ekspertë të jashtëm.

Nga sa raportohet nga anëtarët e grupeve të punës dhe strukturat teknike të hartimit të këtyre akteve, raporti i komenteve të marra gjatë kësaj faze, është në total 18 komente.

2.5.2. Sa prej tyre u pranuan, u pranuan pjesërisht ose u refuzuan?

Komentet e mbledhura gjatë fazës së konsultimit publik, për aktin e sipërcituar e të konsultuara gjerësisht me grupet e interesit, kryesisht janë pranuar nga grupi i punës së hartimit të projekt aktit apo nga struktura teknike. Në total, janë marrë 18 komente: nga këto, është pranuar pjesërisht 1 (një) koment, refuzuar 1 (një) koment, dhe pranuar plotësisht, 16 komente.

2.5.3. Cila është tendenca nëse krahasohet me vitet e kaluara?

Tendenca e pranimi të komenteve dhe sugjerimeve të dhëna nëpërmjet RENJK apo takimeve publike, mbetet e kënaqshme, duke theksuar një përmirësim, krahasuar me vitet e kaluara.

2.5.4. Sa raporte të VNR-së janë ndryshuar/përditësuar në bazë të informacionit/të dhënave të marra gjatë konsultimit publik?

Nuk ka pasur raport të vlerësimit të ndikimit rregullator, VNR, për këtë akt.

2.6. Raportet mbi rezultatet e konsultimit

2.6.1. Sa raporte konsultimi publikoi institucioni?

Ministria e Punëve të Brendshme ka publikuar në RENJK 1 (një) raport konsultimi për 1 (një) akt të konsultuar dhe të miratuar në 6 mujorin e parë të vitit 2026.

2.6.2. Nëse disa nuk u publikuan, cilat janë arsyet?

Nuk ka raport të pa publikuar.

2.7. Vetëvlerësimi i institucionit në lidhje me Indeksin e cilësisë së performancës institucionale në përputhje me kërkesat e ligjit për njoftimin dhe konsultimin publik (Jepni informacion për rezultatin mesatar për të gjitha aktet e institucionit, subjekt të konsultimeve publike, bazuar në pikët e rezultateve në Shtojcën 5c)

Referuar formatit të kërkuar nga njësia përkatëse në Kryeministri, e cila është hartuar nga MPB argumentojmë si vijon: Indeksi i Performancës për cilësinë e konsultimit publik për Ministrinë e Punëve të Brendshme është 8 për secilin nga projekt aktet e publikuara (Projektligjet publikohen në sistemin e informacionit të qeverisë, është dhënë informacion i mjaftueshëm lidhur me konsultimin e gjerë me grupet e interesit; janë ruajtur prova të mjaftueshme për reagimet e tyre, në draftin e ri pasqyrohet një shkallë e mirë e reflektimit të reagimit të palëve të interesuara). Kurse në përqindje indeksi sasior është 100%, pasi për të gjitha aktet e konsultuara ka dëshmi të mjaftueshme mbi përfshirjen e palëve të interesit ku janë mbledhur prova të mjaftueshme mbi reagimet e tyre, një pjesë e mirë e të cilave janë reflektuar dhe në projekt akte.

3. Sfidat dhe mundësitë për të ardhmen *(Cilat janë sfidat kryesore në organizimin dhe zbatimin e konsultimeve në ministri dhe si duhet dhe do të adresohen ato në periudhën tjetër të raportimit?)*

Sfidat kryesore që paraqet konsultimi publik vazhdojnë të lidhen edhe këtë vit më së shumti me gjithë përfshirjen e publikut në këtë proces. Gjithsesi theksojmë se situata e ndërgjegjësimit sa vjen e përmirësohet, referuar edhe numrit të shikimeve të projekt akteve në RENJK, duke kuptuar rëndësinë e komentimit përmes këtij regjistri, pasi është drejtpërdrejt i monitoruar nga Kryeministria duke shtuar kontrollin në reflektimin e komenteve të përcjella përmes RENJK.

Gjithashtu, krahas publikut duhet të ketë një angazhim më të madh të strukturave teknike hartuese të akteve, pasi krahas bashkëpunimit dhe dhënies së kontributit për identifikimin e grupeve të interesit të përfshira, nevojitet informimi përmes zhvillimit të trajnimeve, mbi rëndësinë e procesit të konsultimit publik të projekt akteve dhe bashkëpunimit të vazhdueshëm gjatë procesit të konsultimit, edhe me qëllim rritjen e cilësisë së performancës në këtë proces.